



Cyngor Sir
CEREDIGION
County Council

**Codi tâl am ofal a chymorth
dibreswyl**

**Canllaw i Asesu Ariannol
a Thaliadau**

2026-2027

Cynnwys

Cyflwyniad.....	2
1. Pa Wasanaethau Gofal a Chymorth a ddarperir yng nghartref person neu yn y gymuned y me'r Cyngor yn codi tâl amdanynt?	2
1.1 Taliadau a osodir gan y Cyngor	3
1.2 Taliadau a osodwyd gan Lywodraeth Cymru – Bathodynau Glas.....	3
1.3 Taliadau gofal a chymorth yn amodol ar asesiad ariannol a'r uchafswm tâl wythnosol a bennir gan Lywodraeth Cymru	3
2. Beth yw Asesiad Ariannol?	4
3. Beth sy'n cael ei gynnwys mewn Asesiad Ariannol?	4
3.1 Cyfalaf	5
3.2 Incwm	5
3.3 Enillion	6
3.4 Lwfansau neu Elfennau a anwybyddir	6
3.5 Costau Anabledd	6
4. A allaf roi unrhyw un o'm hasedau i ffwrdd?	7
5. Oes angen i mi ddweud wrthyf am unrhyw newid?	7
6. Sut ydw i'n talu yr hyn sy'n ofynnol?	8
7. Os ydych chi'n meddwl bod eich Asesiad Ariannol yn anghywir	8
8. Beth sy'n digwydd os ydw i'n anhapus â'r gwasanaeth neu eisiau gwneud cwyn?	9
9. Manylion Cyswllt	9
10. Ffioedd am ofal a chymorth dibreswyl	10

Cyflwyniad

Mae'r llyfryn hwn yn darparu gwybodaeth ar sut y gallech chi fod yn gymwys i dderbyn cymorth gyda chostau gwasanaethau rydych chi'n eu derbyn yn eich cartref eich hun, yn y gymuned ac ar gyfer gofal tymor byr sydd wedi'i gynllunio (hyd at 8 wythnos) a gofal seibiant (hyd at uchafswm o 6 wythnos).

Mae deddfwriaeth genedlaethol a Llywodraeth Cymru yn nodi'r hyn y mae'n rhaid ei ystyried wrth asesu eich gallu i dalu ffioedd cartrefi gofal.

Er mwyn sicrhau bod y ffioedd y byddwn yn codi yn deg, rydym yn dilyn Polisi Codi Tâl yn seiliedig ar ddarpariaethau Deddf Gwasanaethau Cymdeithasol a Lles (Cymru) 2014:

<https://www.legislation.gov.uk/cy/anaw/2014/4/contents>

Bydd hyn yn cynnwys:

- Rheoliadau Gofal a Chymorth (Codi Tâl) (Cymru) 2015 – <https://www.legislation.gov.uk/cy/wsi/2015/1843/contents>
- Rheoliadau Gofal a Chymorth (Asesu Ariannol) (Cymru) 2015 – <https://www.legislation.gov.uk/cy/wsi/2015/1844/contents>
- Cod Ymarfer Rhan 4 a 5 (Codi Tâl ac Asesu Ariannol) – <https://www.gov.wales/code-practice-charging-social-care-services>

1. Pa Wasanaethau Gofal a Chymorth a ddarperir yng nghartref person neu yn y gymuned y mae'r Cyngor yn codi tâl amdanynt?

Mae'r Cyngor yn adolygu'r gwasanaethau y mae'n codi tâl amdanynt yn rheolaidd, ac mae pob tâl gwasanaeth yn cael ei adolygu o leiaf unwaith y flwyddyn. Bydd rhai pobl yn talu'r tâl llawn am eu gwasanaeth, bydd rhai yn talu dim, a bydd eraill yn cyfrannu swm yn seiliedig ar eu hamgylchiadau.

Dylid nodi nad oes neb yn talu'r gost lawn am y gwasanaethau y maent yn eu derbyn gan fod y tâl i'r defnyddiwr gwasanaeth am wasanaeth fel arfer yn llai nag y mae'n ei gostio i'r Cyngor i ddarparu'r gwasanaeth hwnnw.

Darperir gofal am ddim os:

- rydych chi'n derbyn gwasanaethau ôl-ofal o dan Adran 117 Deddf Iechyd Meddwl 1983
- rydych chi'n oedolyn sydd wedi cael diagnosis o Glefyd Creutzfeldt-Jacob
- rydych chi'n derbyn Gwasanaeth Galluogi
- caiff eich gwasanaethau eu hariannu drwy Gofal Iechyd Parhaus gan y Bwrdd Iechyd Lleol.

1.1 Taliadau a osodir gan y Cyngor

Mae'r Cyngor yn gosod ffioedd cyfradd safonol ar gyfer gwasanaethau gofal a chymorth lefel isel. Mae'r tâl hwn yn cael ei dalu ar yr un gyfradd gan bawb sy'n derbyn y gwasanaeth. Dyma'r gwasanaethau sydd â thaliadau cyfradd safonol:

- Prydau yn y Cartref
- Prydau mewn sefydliadau gofal dydd
- Llinell Achub a larwm gwddf
- Technoleg gynorthwyol

1.2 Taliadau a osodwyd gan Lywodraeth Cymru – Bathodynau Glas

Mae gwybodaeth am bwy sy'n gymwys i gael Bathodyn Glas a sut i'w ddefnyddio'n gywir ar gael ar wefan Cyngor Sir Ceredigion yn:

<https://www.ceredigion.gov.uk/resident/wellbeing-and-care/disabilities/blue-badges/>

Fel arfer, nid oes tâl os ydych chi, neu os oes perthynas yn gwneud cais ar eich rhan am Fathodyn Glas. Bydd tâl yn berthnasol os:

- Bydd sefydliad sy'n gofalu am bobl anabl yn gwneud cais; neu
- Mae angen bathodyn newydd oherwydd bod eich bathodyn wedi'i golli neu ei ddifrodi.

Gweler Adran 10 am fanylion y taliadau.

1.3 Taliadau gofal a chymorth yn amodol ar asesiad ariannol a'r uchafswm tâl wythnosol a bennir gan Lywodraeth Cymru

Mae'r gwasanaethau dibreswyl a restrir isod yn destun asesiad ariannol i benderfynu faint y gall person fforddio ei dalu:

- Gofal Cartref
- Taliadau Uniongyrchol (yn lle gwasanaethau gofal cartref)
- Byw â Chymorth
- Cysylltu Bywydau (yr hen Gynllun Lleoli Oedolion gynt)
- Arhosiad tymor byr (hyd at 8 wythnos) a gofal seibiant (hyd at uchafswm o 6 wythnos) **neu** Taliadau Uniongyrchol yn lle'r gwasanaethau hyn

Bydd yr asesiad ariannol yn pennu'r union swm y bydd yn ofynnol i chi ei dalu am y gwasanaethau hyn a bydd yn dibynnu ar y math a'r lefel o wasanaeth yr asesir y bydd ei angen arnoch a'ch amgylchiadau ariannol ac ni fydd yn fwy na'r uchafswm a nodir yn Adran 10.

2. Beth yw Aseiad Ariannol?

Mae aseiad ariannol (a elwir hefyd yn brawf modd) yn penderfynu faint yw'r swm y gallwch fforddio ei dalu'n rhesymol tuag at y gwasanaethau sy'n destun aseiad ariannol, fel yr amlinellir yn Adran 1.3.

Byddwn yn ysgrifennu atoch ac yn eich gwahodd i lenwi ffurflen 'Datganiad Modd'. Os nad ydych yn rheoli eich materion ariannol eich hun, gall y person sy'n gwneud hyn lanw'r ffurflen ar eich rhan.

Efallai y byddwch yn dewis peidio â datgelu eich gwybodaeth ariannol. Os felly, bydd yn ofynnol i chi dalu'r tâl priodol am y gwasanaeth(au) yr asesir sydd eu hangen arnoch, hyd at yr uchafswm tâl wythnosol fel yr amlinellir yn Adran 10.

Mae'n bwysig nad ydych chi'n talu mwy nag sydd ei angen arnoch. Trwy asesu eich cyllid, gallwn sicrhau bod eich tâl yn gywir a'ch bod yn derbyn yr holl fudd-daliadau y mae gennych hawl iddynt. Mae cyngor a chymorth ar gael i'ch helpu i hawlio budd-daliadau gan yr Adran Gwaith a Phensiynau neu'r Ganolfan Byd Gwaith lle bo hynny'n briodol.

Byddwn yn gofyn am weld dogfennau ariannol ategol a byddwn yn gwneud copïau o'r dogfennau hyn i sicrhau bod gennym gofnod cywir o'ch amgylchiadau ariannol ar adeg yr aseiad. Mae gennym weithdrefnau ar waith i sicrhau yr ymdrinnir â'ch gwybodaeth mewn modd diogel ac y diogelir eich preifatrwydd.

Os byddwch yn gwneud datganiad ffug yn fwriadol ar y ffurflen 'Datganiad Modd' neu'n methu â datgelu'r holl amgylchiadau ariannol perthnasol er mwyn lleihau neu osgoi talu taliadau, efallai y codir cost lawn y gwasanaeth(au) a ddarperir arnoch, hyd at yr uchafswm wythnosol fel yr amlinellir yn Adran 10.

Byddwn yn penderfynu ar swm y gallwch ei fforddio'n rhesymol ei dalu am y gwasanaethau sy'n glwm wrth aseiad ariannol cyn gynted ag y byddwn yn derbyn yr holl wybodaeth a dogfennaeth angenrheidiol.

Unwaith y bydd penderfyniad wedi'i wneud, byddwn yn darparu datganiad ysgrifenedig yn esbonio sut y gwnaed yr aseiad a'r swm y codir arnoch.

Ar ôl penderfynu ar dâl, bydd gofyn i chi ei dalu o'r dyddiad y darparwyd gofal a chymorth gyntaf.

3. Beth sy'n cael ei gynnwys mewn Aseiad Ariannol?

Bydd yr aseiad ariannol yn cael ei gynnal ar y person sy'n derbyn y gwasanaeth(au) ac sy'n gymwys i gael aseiad ariannol.

Dim ond yr incwm a'r cyfalaf, gan gynnwys eiddo (lle bo'n berthnasol), y mae gan y person hwnnw hawl iddynt fydd yn cael eu hystyried.

Pan fo incwm, cyfalaf neu fuddsoddiadau ac ati ar y cyd â pherson arall, byddant yn cael eu dosrannu'n gyfartal oni bai bod y cofnodion a ddarperir yn dangos hawl wahanol.

Pan caiff budd-daliadau eu talu mewn perthynas â 'chwpl', defnyddir y swm y gellir ei briodoli i'r person sy'n derbyn y gwasanaeth yn yr aseiad ariannol.

Fodd bynnag, gallwn asesu incwm cwpl os yw gwneud hynny'n fwy manteisiol yn ariannol i'r person sy'n cael ei asesu.

Os oes unrhyw un arall yn byw gyda chi yn yr un cyfeiriad, bydd y Cyngor yn ceisio sicrhau nad yw incwm yr aelwyd yn disgyn yn is na'r isafswm lefel a osodwyd gan Lywodraeth Cymru.

3.1 Cyfalaf

Mae Llywodraeth Cymru yn gosod terfyn cyfalaf perthnasol bob mis Ebrill. Ar gyfer blwyddyn ariannol **2026/2027**, y terfyn cyfalaf yw:

£24,000.

Os bydd eich asedau, gan gynnwys cynilion, cyfrifon cyfredol, buddsoddiadau ac eiddo (lle bo'n berthnasol) yn uwch na'r terfyn hwn, bydd gofyn i chi dalu hyd at yr uchafswm tâl wythnosol fel yr amlinellir yn Adran 10.

Os bydd eich cyfalaf a aseswyd yn is na'r terfyn, nid yw'n cael ei gynnwys yn y cyfrifiad asesiad ariannol, a bydd unrhyw ffi a aseswyd yn seiliedig ar eich incwm a'ch treuliau a ganiateir yn unig fel y cyfeirir atynt yn Adrannau 3.2 i 3.5.

Ni fydd eich prif gartref yn cael ei gynnwys wrth gyfrif faint o gyfalaf sydd gennych, ond bydd unrhyw eiddo neu dir arall rydych chi'n berchen arno yn cael ei gynnwys. Efallai y bydd rhai mathau eraill o gyfalaf yn cael eu heithrio wrth bennu cyfanswm eich cyfalaf. Cysylltwch â'r Tîm Asesu Ariannol i gael rhagor o wybodaeth.

Mewn rhai amgylchiadau efallai y byddwch yn cael eich trin fel petai gennych gyfalaf hyd yn oed os nad ydych yn meddu arno mewn gwirionedd. Gelwir hyn yn gyfalaf tybiannol a gall gynnwys cyfalaf fydd:

- ar gael i chi pe baech chi'n gwneud cais amdano
- yn cael ei dalu i rywun arall ar eich rhan
- wedi ei waredu eisoes er mwyn lleihau'r swm y mae'n ofynnol i chi ei dalu am eich gofal a'ch cymorth (gweler Adran 4).

At ddibenion asesu ariannol, eich cyfalaf felly yw cyfanswm y cyfalaf gwirioneddol a thybiannol.

3.2 Incwm

Yn y rhan fwyaf o achosion, bydd eich holl incwm, beth bynnag y bo ei ffynhonnell, gan gynnwys budd-daliadau lles yn cael ei gynnwys yn yr asesiad ariannol. Mewn rhai amgylchiadau, gellir diystyru rhai elfennau o incwm, neu gymhwyso lwfansau penodol i leihau'r swm a gynhwysir yn yr asesiad fel yr amlinellir yn Adran 3.3 i 3.5.

Mewn rhai sefyllfaoedd, mae'n bosib y byddwch yn cael eich trin fel bod gennych incwm nad ydych yn ei dderbyn mewn gwirionedd. Gelwir hyn yn incwm tybiannol a gall gynnwys incwm sydd:

- ar gael i chi pe baech chi'n gwneud cais amdano
- yn cael ei dalu i rywun arall ar eich rhan

- wedi ei waredu eisoes er mwyn lleihau'r swm y mae'n ofynnol i chi ei dalu am eich gofal a'ch cymorth (gweler Adran 4).

At ddibenion asesu ariannol, eich cyfalaf felly yw cyfanswm y cyfalaf gwirioneddol a thybiannol.

3.3 Enillion

Ym mhob achos, bydd enillion o gyflogaeth a hunangyflogaeth fel y'u diffinnir yn Rheoliadau Llywodraeth Cymru yn cael eu hanwybyddu yn yr asesiad ariannol.

3.4 Lwfansau neu Elfennau a Anwybyddir

O fewn asesiad ariannol personol mae bob amser swm o arian na ellir ei drin fel swm sydd ar gael i dalu tâl. Mae'r ffigur hwn yn amrywio ar gyfer gwahanol bobl oherwydd bod eu hincwm yn cynnwys gwahanol fudd-daliadau a gwahanol ffynonellau incwm. Llywodraeth Cymru sy'n gosod y ffigur ac mae'n cynnwys swm sy'n ymwneud â gwariant sy'n gysylltiedig ag anabledd defnyddiwr gwasanaeth.

Mae'r rhestr isod yn dangos y prif lwfansau a'r elfennau caiff eu hanwybyddu: -

- Unrhyw enillion cyflogaeth
- Lwfans Gofalwyr
- Budd-daliadau Plant
- Bonws Nadolig
- Treth y Cyngor
- Treth Incwm ac Yswiriant Gwladol
- Efen symudedd y Lwfans Byw i'r Anabl a'r Taliad Annibyniaeth Personol (yn hytrach na'r elfen ofal)
- Atodiad Symudedd Pensiwn Rhyfel
- Treuliau sy'n gysylltiedig â gwaith â thâl
- Taliadau difrod brechlyn, lawndal thalidomide, a chymeradwyo taliadau iawndal cynllun gwaed halogedi
- Taliadau rhent neu forgais
- Gwerth eich prif gartref ond nid eiddo neu dir ychwanegol
- £10.00 cyntaf pensiynau Gweddwon/Gweddwon Rhyfel, Taliadau Incwm Gwarantedig Goroewyr o Gynllun lawndal y Lluoedd Arfog, Pensiwn Anafiadau Rhyfel Sifil, taliadau i ddioddefwyr erledigaeth Sosialaidd Cenedlaethol, a Thaliadau i gyn-garcharorion rhyfel y Dwyrain Pell
- Taliadau Arbennig Gweddwon Rhyfel
- Taliadau Tanwydd y Gaeaf
- Pensiwn Anabledd Rhyfel wedi'i ddiystyru'n llwyr
- Hyd at y £5.75 neu £8.60 cyntaf (cwpl) o Gredyd Cynilo

3.5 Costau Anabledd

Mae Llywodraeth Cymru yn caniatáu diystyru gwariant safonol o 10% sy'n ymwneud ag anabledd yn yr asesiad ariannol.

Os oes gennych gostau anabledd eithriadol yr hoffech i ni eu hystyried yn yr asesiad ariannol, cysylltwch â'r Tîm Asesu Ariannol i drafod eich amgylchiadau ac I dderbyn cyngor pellach.

4. A allaf roi unrhyw un o'm hasedau i ffwrdd?

Os byddwch chi'n rhoi i ffwrdd cynilion, arian neu asedau eraill neu os byddwch chi'n gwerthu eiddo am lai na'i werth ar y farchnad cyn derbyn gofal a chymorth, neu phan fyddwch chi'n dderbyn gofal a chymorth, yna gellir cynnwys gwerth llawn yr ased yn eich asesiad fel Cyfalaf Tybiannol neu Incwm Tybiannol.

Byddwn yn gofyn i chi am wybodaeth am amseru, rheswm, gwerth, a'r sawl wnaeth dderbyn unrhyw drosglwyddiad. Bydd y wybodaeth hon yn cael ei defnyddio i benderfynu a ddylid cynnwys neu ddiystyru'r ased yn yr asesiad ariannol.

Gall y person sydd wedi elwa o'r trosglwyddiad fod yn atebol am unrhyw ffioedd heb eu talu.

5. Oes angen i mi ddweud wrthyfch am unrhyw newid?

Dylech roi gwybod i ni ar unwaith os:

- rydych chi'n derbyn cynnydd neu ostyngiad yn eich budd-daliadau neu incwm
- rydych chi'n dechrau derbyn unrhyw fudd-daliadau neu incwm newydd
- rydych chi'n etifeddu neu derbyn neu unrhyw drosglwyddiad ariannol arall
- bydd eich cynilion neu gyfalaf yn codi uwchlaw y terfyn cyfalaf perthnasol a nodir yn Adran 3.1 neu'n disgyn yn is na'r terfyn cyfalaf perthnasol a nodir yn Adran 3.1
- rydych chi'n ysgwyddo treuliau newydd neu ychwanegol o ganlyniad i newidiadau yn eich anghenion gofal a chymorth

Os ydych chi'n byw mewn Cartref Gofal ac yn derbyn gofal seibiant neu ofal tymor byr ac rydych chi'n cael eich derbyn i'r ysbyty, byddwn fel arfer yn cadw eich lleoliad ar eich cyfer nes y penderfynir nad oes ei angen mwyach neu nad yw bellach yn addas i ddiwallu eich anghenion yn y dyfodol.

Yn ystod unrhyw gyfnod y byddwch yn yr ysbyty, byddwn yn parhau i godi tâl am eich lleoliad nes bod penderfyniad yn cael ei wneud ynglŷn â'ch gofal parhaus.

Yn dilyn eich asesiad ariannol ar gyfer gofal a chymorth dibreswyl, bydd ffioedd yn parhau I fod yn berthnasol hyd at ac yn cynnwys y diwrnod y bydd eich lleoliad yn dod i ben yn barhaol.

6. Sut ydw i'n talu yr hyn sy'n ofynnol?

Mae gwahaniaethau yn y ffordd y byddwch chi'n talu yr hyn sy'n ofynnol gan ddibynnu ai'r Cyngor sy'n trefnu neu ddarparu eich Gwasanaeth neu a chânt eu darparu drwy Daliadau Uniongyrchol.

Gwasanaethau a drefnwyd neu a ddarperir gan y Cyngor:

Os yw'r Cyngor yn trefnu neu'n darparu eich gwasanaethau yn uniongyrchol, byddwch yn derbyn anfoneb bob pedair wythnos fel ôl-daliad. Gellir anfon hyn drwy'r post neu drwy e-bost yn electronig, yn dibynnu ar eich dewis.

Mae amrywiaeth o ddulliau talu ar gael, ond yr opsiwn a ffefrir yw **Debyd Uniongyrchol**. Gallwch sefydlu hyn drwy gysylltu â'n Hadran Adennill Dyledion ar 01970 633250.

Mae dulliau talu eraill wedi'u rhestru ar gefn eich anfoneb ac yn cynnwys:

- Taliad yn bersonol mewn Canolfan Gyswilt Cwsmeriaid drwy arian parod, siec, cerdyn credyd neu ddebyd
- Taliadau ffôn awtomataidd gyda cherdyn credyd/debyd ar 01970 633252
- Taliadau ar lein <https://www.ceredigion.gov.uk/resident/online-payments/>

Gwasanaethau a ddarperir trwy Daliadau Uniongyrchol

Os ydych chi'n derbyn gwasanaethau drwy Daliadau Uniongyrchol, bydd unrhyw ffi y mae'n ofynnol i chi ei dalu yn dilyn penderfyniad ar eich asesiad ariannol yn cael ei dynnu allan o'r swm y mae'r Cyngor yn ei dalu i chi bob pedair wythnos. Yna rhaid i chi dalu eich cyfraniad i'r cyfrif banc a sefydlwyd yn benodol ar gyfer rheoli eich Taliadau Uniongyrchol, gan wneud hynny hefyd bob pedair wythnos.

7. Os ydych chi'n meddwl bod eich Asesiad Ariannol yn anghywir

Os ydych chi'n credu bod yr hyn sydd ei angen i chi ei dalu wedi'i asesu'n anghywir, cysylltwch â'r Tîm Asesu Ariannol.

Bydd Swyddog yn adolygu eich asesiad ac ail-wirio bod yr holl ffigurau'n gywir ac nad oes unrhyw wybodaeth berthnasol ar goll.

Os byddwch chi'n dal yn anhapus â'r canlyniad, gallwch ofyn i reolwr gynnal adolygiad ffurfiol.

Gallwch hefyd ofyn i rywun sy'n annibynnol i'r Cyngor wirio'r cyfrifiadau, er enghraifft, y Ganolfan Cyngor ar Bopeth drwy ffonio 03444 772 020.

8. Beth sy'n digwydd os ydw i'n anhapus â'r gwasanaeth neu eisiau gwneud cwyn?

Er bod gan y rhan fwyaf o bobl brofiad cadarnhaol iawn o'r prosesau sy'n gysylltiedig ag asesu gofal, derbyn gwasanaethau gofal a chymorth a'r asesiad ariannol, gall weithiau fod yn gymhleth.

Os ydych chi'n anhapus â'n gwasanaethau, neu am y ffordd rydych wedi cael eich trin, mae gennych hawl i gwyno a dylech gysylltu â'n Tîm Gwybodaeth a Chwynion. Ni fyddwch yn colli gwasanaethau o ganlyniad i wneud cwyn.

Gallwch gysylltu â'r Tîm Gwybodaeth a Chwynion yn y ffyrdd canlynol:

- Dros y ffôn ar 01545 574151
- Trwy e-bost complaints@ceredigion.gov.uk

9. Manylion Cyswllt

Tîm Asesu Ariannol

Er mwyn trafod yr asesiad ariannol o'ch taliadau gwasanaeth, ffoniwch neu ysgrifennwch at:

Tîm Asesu Ariannol,
Swyddog Arweiniol Corfforaethol: Cyllid a Chaffael,
Neuadd Cyngor Ceredigion Penmorfa
Aberaeron
Ceredigion
SA46 0PA
Rhif Ffôn: 01545 572612 / 572683 / 572615
E-bost: dss.assessments@ceredigion.gov.uk

Gwasanaethau Cymdeithasol

Er mwyn trafod eich anghenion gofal a chymorth, cysylltwch â'ch Gweithiwr Cymdeithasol neu fel arall ffoniwch 01545 574 000.

Cysylltiadau Eraill:

Age Cymru Ceredigion- Gogledd	01970 615151
Age Cymru Ceredigion - De	01239 615777
Arolygiaeth Gofal a Gwasanaethau Cymdeithasol Cymru	0300 7900126
Gwasanaeth Gwybodaeth i Ofalwyr	01970 633564
Cyngor ar Bopeth	03444 772 020
<i>Independent Age</i>	0800 3196 789
Yr Adran Gwaith a Phensiynau (DWP)	0800 882 200
Canolfan Byd Gwaith (JCP)	0800 055 6688

10. Ffioedd am ofal a chymorth dibreswyl

Gwasanaeth	Nodyn	Ffioedd
Taliadau Cyfradd Safonol ar gyfer Gofal a Chymorth Lefel Isel a Gwasanaethau Ataliol		
Cinio mewn Sefydliadau Canolfannau Dydd	Tâl fesul pryd	£8.00
Cinio mewn Clybiau Cinio	Tâl fesul pryd – defnyddwyr gwasanaeth a gyfeiriwyd Defnyddwyr gwasanaeth nad ydynt wedi'u cyfeirio	£8.00
Technoleg Gynorthwyol (Teleofal)	Tâl yr wythnos	£7.90
	Ffi Gosod Untro	£52.00
Ffioedd a osodwyd gan Lywodraeth Cymru		
Bathodynau Glas	Bathodynau Sefydliadol neu Bathodynau newydd (personol neu sefydliadol ac eithrio bathodynau wedi'u dwyn)	£10.00
Mae'r ffioedd gofal a chymorth dibreswyl isod yn destun asesiad ariannol a 'r uchafswm tâl wythnosol fel y'i pennir gan Lywodraeth Cymru.		
Yr uchafswm tâl wythnosol a bennir gan Lywodraeth Cymru yw £100.00 yr wythnos .		
Gwasanaeth gofal cartref	Tâl fesul awr (Yn amodol ar Asesiad Ariannol ac uchafswm tâl wythnosol fel uchod)	£32.76
Taliadau uniongyrchol yn lle gwasanaeth gofal cartref	Cyfraniad fesul awr (Yn amodol ar Asesiad Ariannol ac uchafswm tâl wythnosol fel uchod)	£18.66
Byw â chymorth	Tâl fesul awr (Yn amodol ar Asesiad Ariannol ac uchafswm tâl wythnosol fel uchod)	£24.96
Bywydau a Rennir (a oedd yn flaenorol yn Gynllun Lleoli Oedolion)	Tâl fesul noson (Yn amodol ar Asesiad Ariannol ac uchafswm tâl wythnosol fel uchod)	£50.85
Arhosiad tymor byr (hyd at 8 wythnos) a gofal seibiant (hyd at uchafswm o 6 wythnos)	Noder os gwelwch yn dda fod Gwasanaethau Dibreswyl yn dâl wythnosol o ddydd Llun i ddydd Sul yn gynwysedig. Felly, os yw person mewn gofal seibiant neu leoliad tymor byr am 1 noson yn unig, y tâl fydd naill ai ei dâl wythnosol a aseswyd (os yw'n berthnasol) neu'r uchafswm tâl wythnosol, pa un bynnag yw'r isaf.	£100.00

Gwasanaeth	Nodyn	Ffioedd
Taliadau uniongyrchol yn lle seibiant / gofal tymor byr neu ofal preswyl	Fel uchod.	£100.00

Nodwch y gall unrhyw ffioedd a gynhwysir yn y llyfryn hwn newid. Mae newidiadau fel arfer yn berthnasol o fis Ebrill bob blwyddyn.

**Os hoffech y llyfryn mewn print bras, cysylltwch â'r
Tîm Asesu Ariannol ar
☎ 01545 572683 neu 01545 572612**

This document is also available in English / mae'r ddogfen hon hefyd ar gael yn Saesneg.